

海
秋
詩
集

海秋詩集卷之五

益陽湯鵬海秋撰

五言古詩

楚國有奇士

楚國有奇士。士曰夫何奇。氣岸外倔強。天機中藹怡。婉
變八九齡。用意非近規。嬉游顧其羣。不私棗與梨。側聞
鄰有喪。血淚相和悲。及乎歲屢豐。俯仰自娛嬉。禮樂委
鄉井。婚祭弛型儀。念此內慙羞。思一變化之。居室施古
則。見人陳苦詞。凜凜有圭稜。侃侃無喔咻。麤足補風教。

吁猶限茅茨野處非吾欲
奮騰指邦畿盧溝碧潏潏
谷青參差祕殿帶靈瑣
嶮嶮成邈迤

天子之所都吁我來順順
投筆於禮部文采吹劍鉞
太息一字訛不得首其儕
老成競褒采優我於等夷
念昔喜鉛槧山中自猖披
吐詞迅雷風樹義森戟旗
岫嶁生睥睨洞庭爲津涯
義義湖湘子獨往豈復疑
逮與羣彥集盪決吞鯢鯨
紛然見推讓烏知余是非
蘼蕪致豐殷鑽厲窮精微
理忌枝節解句厭記誦爲
古意浩韜蓄神光肆迷離
雖若不經營一一抽肝脾
自通金閨籍思佐

軒與義詞賦心已備鼎鐘事可躋修理南北樞軸運陰
陽基三才爲部署四海無凍飢鳥登鳳竝凰獸斬豺與
狸奸黠就規矩鄙賤歸鑄錘吁嗟此志闊幾不爲人擠
鵬鶚蓄雲翰騏驥斂霜蹄出語懲猛擊料事塞悲啼咄
咄祠部郎力薄解與廝不見南北鄰吹彼笙竽篴結客
橫九州呼娼描兩眉杯觥必琥珀屋瓦皆琉璃掌握若
泰華鼻息生虹霓衰盛勢固殊賢愚理莫齊顛風撓我
懷繁霜瘦我肌簿書枯天性冠履困時宜兒童怯飢寒
奴僕違指撝厯厯嘗窮愁區區見高庫孔顏何聖賢蘇

張自詭隨伊葛何英雄屈賈自險巇道尊物所往數塞
心莫岐深沈有能事澹泊富清機時脫白氎袍笑換青
蘿衣長松足箕踞短筇聊委蛇寺花晨招尋朋酒夜挈
提秋深擘紫蟹春軟調黃鸝醉化莊生蝶醒守老氏雌
作詩廣諷諭讀易忘嘻嘻黑頭取卿相於我何陪裨君
看奇士骨突兀如孤巖

答徐熙莽

朝。陰。伐。木。詩。夜。畏。參。與。商。君。子。獨。惆。欸。聞。我。有。文。章。金
石。締。奇。盟。荃。蘭。施。古。香。羣。兒。或。侵。欺。高。論。挽。謗。傷。顧。謂。

我羸瘦兀若枯莖楊。性命換鉛槧。魂魄爲光芒。想當拙
騁時。衆鬼覷在旁。願言縛子去。雕琢紆肝腸。造化曰不
然。彼腹儲琳琅。纍纍耀其采。以參我三光。文人不可忌
吾德。不可涼。罰令暫不死。酣嬉以洗滌。少窺老學鉢。壯
短時流牆。兩手擘鯨鰲。一口吸江潢。根源剗崩豁。旗戟
森開張。開卷叫古人。與我相頡頏。五兵驅筆力。血骨奔
以僵。不卽斃。楮端篇終悲。且慶聞君背好事。有作成一
囊。骨骼瘦於我鬢毛。颯已蒼。西郊兩病馬。相對鳴慨慷。
枯榮祇百歲。賢愚那有常。吾其誰之從。萬古都茫茫。離

騷二十五左徒沈沅湘作賦迺益貧相如典鵲鵲不然
投閣死草元殊不祥不然走嶺海愈軾相披猖損之若
振槁得之不盈筐埋沒固草莽流傳亦社穠人生不事
事其樂有未央五侯及七貴煒煒何煌煌坐當結綺樓
騎見真乘黃飢進紫駝羹倦支玳瑁牀親戚竝燕頤賓
客皆鵷行相逢無所爲作使邯鄲倡大姝促小妹吹簫
來鳳凰競嘲攤書客蠢蠢談羲皇一朝心腎枯泯默歸
山岡計校古與今難以好醜量爲詩告同心竟夕以徇
徇

送舍弟鶚歸益陽

舟○虛○波○善○泛○玉○磨○光○肆○好○咨○汝○在○長○安○勉○勉○偕○古○道○嫂○
病○豈○其○痊○浣○漬○汝○衣○裳○兄○勞○豈○其○憇○斧○藻○汝○文○章○衣○裳○
日○已○潔○文○章○日○已○新○悲○余○無○所○有○有○輒○使○汝○聞○大○言○汝○
弗○怒○細○言○汝○弗○哂○抗○顏○爲○汝○師○情○真○理○逾○近○握○手○長○相○
敬○分○手○長○相○思○山○川○阻○且○修○夢○寐○繚○繞○之○沮○洳○無○大○魚○
鄉○曲○渺○良○善○汝○歸○莫○蹉○跎○賢○聖○惟○所○踐○人○生○不○振○刷○故○
習○卽○頽○波○汝○我○守○碌○碌○父○母○慙○羞○多○

富○貴○且○莫○盡○骨○肉○金○石○堅○相○思○在○中○腸○何○必○涕○泗○漣○汝○

來兄嫂喜汝去兄嫂愁不得相伴歸。譬彼東西流。汝來父母愁。汝歸父母喜。一子滯長安。一子今歸矣。父母念兄嫂。顛倒廢食寢。勿任父母然。婉變相勸稟。兄嫂念父母。顛倒廢食寢。勿道兄嫂然。衰年倍悽惻。出門貴慷慨。入門貴纏綿。周旋聚散間。豈曰非汝賢。楚水不北流。燕山不南向。見汝當何年。短歌慎無忘。

室焚

室焚誰爲之。迷不知其故。夜夢炎官來。悻悻非常怒。橫目張角牙。若挾斧與鋸。抵死一問之。官何我之妬。吁嗟

湖湘子觀理若帛布。委懷百代則絡繹爲我御。我不肯
襲沿。縱筆自騰鶩。亮當揭精英。豈惟洗癡癖。以此浩自
得。外峻而內裕。直道厭模稜。疏節屢踣踖。腸熱口逾快。
氣麤理已飫。頗受朋知憐。未覺妻孥忤。酒酣有愛憎。醒
憶不知處。總計平生爲。靡不可告語。曷爲火其居。遭此
震與怖。炎官聞我言。欲對反猶豫。其夜以命還。泣涕陳
謬誤。天公曰嗟乎。汝故不解悟。我懸日與月。炯炯自詮
注。小人或得亨。此不足戒懼。君子或得困。猶之乎仁恕。
羣里憂在囚。陳蔡飢無茹。魚葬三閭魂。鵬弔長沙傅。腐

刑固懣懣投閣亦枝梧紛紛箕斗張懍懍韓蘇互排佛
得貶徙詠檜駭收捕生世每乖違聞道乃辛苦至今天
下人俎豆紛奔赴伊人室不焚良金無鼓鑄伊人室不
焚迅馬無控馭伊人室不焚文章無韶濩伊人室不焚
道德無寄付觀變窮深源厯險得平路汝往告伊人艱
難卽福祚再拜謝天公我才豈其庶度木必魯般療疾
惟俞跗念彼覆幬機追琢善吹煦幸終教督之十美無
一汙思款天之門罄此心中語炎官歛翱翔倉猝不可
附徘徊重徘徊驚覺天已曙披衣書狡猾慰彼婦與孺

送高竹仙明經

端居坐兀兀獨學心忡忡誰謂竹仙子飄飄若春風聰
明藏靜好婀娜出龍庭請我發鉛槧文字悉磨礱柏馬
一振刷光景鮮以豐亮當拔泥滓出入蓬萊宮翻爲涸
泉魚那羨順風鴻告歸期苦促流涕詞難終武陵清水
源古桃春霞紅嗟余塵纓苦欲往不可同驚風吹黃沙
送子秋濛濛人生忽聚散颯若風中蓬羈離况吾徒牢
落將安從膠漆苦易歇枘鑿苦易逢念彼行路難刺促
傷心胸

白白幽州女

白白幽州女。年可二十餘。生小不知愁。聰麗與人殊。十
三繡衣裳。紫鳳夾天吳。十六整雲鬢。雜珮鳴瓊琚。二十
無夫家。慈母爲嗟吁。母兮忽已沒。黃金忽已少。華屋不
得居。兀倚蓬屏曉。摘彼明月璫。卷彼朱萼裙。去換薪與
米。以贍兄嫂貧。阿兄不解事。掩淚難開口。草草嫁秦中。
夫年四十九。入門但低頭。瑟縮羞明月。且傾連理杯。更
訂同心結。不憾夫君老。但憾妾緣慳。本非鳳凰儔。安得
巢僊山。不憾妾緣慳。但憾妾顏色。若非桃李花。那得狂

夫折人生若朝露太息千萬端妾聞班婕妤好團扇憾棄捐但道棄捐苦不識相逢難我欲竟此曲此曲悲且繁

雞鼠鬪

一雞領九雛牆根憇俯仰雞去拾蟲蟻蒼鼠來寇攘九雛五被擒入穴飽歸饒其母蒼黃歸哀鳴寄慨慄側睨鼠穴旁堅坐疑懍懍鼠雖滅五雛咀嚼有餘想出穴雞啄之蒼茫失所往迴頭與雞鬪雞怒一何勇突起簸羽翮猛叫聞濤響痛憤無迴翔小挫更崛彊攢刺肉懸針噴薄血污塊逕欲搗肝腸不徒搯喉吭鼠勢坐窘迫四

清和言集 卷三
顧無憑仗。但羞前所爲。生死殊惘惘。雞呼阿雛來。吞此
不爲獷。且俾羣鼠聞。饕餮無休享。物情有戈戟。世路森
羅網。旣勝固有負。方墜誰能上。荒哉蝸角低。超矣鴻飛
廣。不爭衆所貪。聊以慎吾養。

送陳海陽孝廉下第赴大梁黎觀察之幕

南宮會材桀。故舊譁然來。雲泥一阻絕。聚散紛裴徊。來
如追風驃。意氣輕蓬萊。去若隨陽雁。心折稻梁催。伯樂
亮誰雙。鍾期久已埋。雖抱濟時策。迫此故林歸。念昔雲
橫麓。春夏日佳哉。讀書懷孔孟。馳筆走風雷。朝飲清冷

泉夕臥橫斜。梅酣呼落明月。突兀撐陰霾。誰驅山中足。

競走國之媒。赫赫有高下。荒荒無是非。勞九辛不得官。

李大

石梧

亦摧隤。漠漠湘水曲。叢叢楚宮隈。子又棄我去。

馬鳴酸且哀。流觴汴河曲。訪古梁園臺。信爲君子儒。豈

直幕。府才論交貴。盛間還用識。幾微白壁不泥滓。黃金

匪朋儕。去矣慎所志。道義爲根荄。喟余亦兀傲。孤羈坐

懸厓。稍稍去圭角。終不與時偃。願懲姘媼態。以葆堅白

懷。對面陳苦詞。探腸成禍胎。此然彼又哂。朝懽暮還猜。

屢遭新知橫。願與素心偕。子來春風顛。子去冬雪飛。天

涯重離別愁懷安可開。默默念語笑耿耿和煙埃。豈無蒲萄酒誰共去後杯。

夜覽吳洛濱秀才北行草

久別界微茫。新逢吐結驕。吳生江海人。漁樵訂素曷。爲駕短車北行獨。躑躑飛航始洞庭。狂飈莽蕩滌魚龍。一叫呼柁工。慘以戚忠信。儻不消波濤。那可溺武昌。及襄陽。經歷在旦夕。孟德舳艫空。羊祜碑已踣。以茲悟盛衰。悽惻餘忸怩。輪蹄轉大梁。古色黃沙積。鄒枚豈再逢。高李埋荊棘。裴裒文酒彥。不得相賞析。兼旬過邯鄲。我

馬奔以斥突兀見邦畿乾坤此則另劍吹幽燕青衣帶
瀟湘碧於皁羈旅中千載一憤激歡少愁攢懷金寤詩
盈尺惻惻孟郊心滔滔賈誼策身世託悲歌山水工研
索飛騰入風雲昏黑搜魂魄搖毫興未終得句鬚已白
念我平生交詞章各藉藉孫六笏標婣雅趙二午斷孤
僻有才不騰鶩支離老跼踖萬里寄勞思十年斷消息
子來我心開子困我心惻天扉莽崔嵬何由說前席雖
秉北海懷未憑東閣力鳳凰尙荆榛遑顧鵠鷄翼掩卷
發長嘆涕淚霑胸臆

東西鄰

東鄰晝吹竽。西鄰夜讀書。借問東西鄰。不其異趣與。西鄰曰。噫嘻。君豈忘居諸百年如過隙。萬卷森在予。人不通古今。馬牛而襟裾。甯董爲後挽。周孔爲前驅。鑽厲苦不足。薦衮致有餘。東鄰曰。噫嘻。爾何詭。且迂古人骨。已朽古書義。亦誣十言九。不徵焉用誇。倉厨冥心事。吟披日夕慘不愉。肢體迫羸瘦。性情坐睽孤。前街有名酒。力能購百壺。後巷有名妓。冰雪爲肌膚。兩者沓然至。信美無與逾。吹竽自朝暮。可以忘嗟吁。不見長安郊。風霜走

腐儒白首不登第。登第亦區區。大都清冷曹。兀若桑株
枯。一冠纓已禿。一裘泥已污。鹽米屢告罄。妻孥亦雕瘠。
入無酒肉嗽。出無錦纏車。束帶營簿領。瑣碎滋糝糊。大
官一詰問。卑陬汗以趨。惶恐應對乖。平地生崎嶇。何侯
於公門。自卯動及晡。或欲抽手版。告歸老樵漁。豈有負
郭田。足以活其軀。隱忍吞牢愁。顛倒忘齟齬。讀書不必
貴。吹竽不必奴。讀書不必智。吹竽不必愚。孰黑而孰白。
一苦而一娛。西鄰猝見困。瑟縮久欷歔。無以雪此言。來
奔告於余。余亦不能辨。執手立踟躕。凡東鄰所訶。繫余

豈其無仰視星日高俯思鬼神俱鬼神與星日真宰之所於悠悠行路人謗吾乃譽吾

敘懷惜別贈吳蘭雪刺史

老龍測海廣老鶴諳山深平生所得力閨寂誰見尋蚤飲清湘流荃蘅味醺醺今來長安塗未敢趨紉縑道孤謝磷淄名浮愧影衾以此自斂退靜觀得所箴肅若未嫁女匿影畏其男逸若遁迷人姓字誰能譚常恐酒肉飫反爲王侯擒風波無定所要路而輟歛跌宕吳詩叟才藻羣塵欽高可屈貴戚下可振盲瘖我耳初聆之我

口則猶緘。壹意濫推獎。百代安能咸。哄然譽西子。諦視
乃無鹽。匪徒稱者陋。生令受者慙。逮從友人席。歎讀篇
什酣。鮮若芙蓉花。巧若七夕鍼。清若潛波魚。和若出谷
禽。展卷不去手。攜壺將往斟。吁嗟湖湘子。邁往各有心。
太元思杳杳。三策光炎炎。原道及本論。大可六經兼。抗
懷探古邃。張目恣窺覷。馬能屈筆力。瑣屑爲謳吟。旣乃
習聲律。銳意蹈深湛。浩歎風騷秀。性命之所歆。晨思屈
宋旨。暮得猶微纖。曹劉至甫白。十擬九不厭。或逢韓與
蘇。恇怯避鋒銛。潢潦無汪洋。培塿無崎嶇。願假十年力。

一還太始音。酒酣撫鉛槧。浩浩彌沈沈。庶幾意所到。古

健寫淋漓。我詩未云足。墨客來二三。揮毫徐

廉峯黃樹齋能

抗韻張

甫亨郭羽

可堪狂游極。郊垌雜坐。撞石金酣。嬉相角

逐飲。噉窮炮燂。騫騰訪詩叟。叟不我愚。慙漸欲鬪。詩骨

劍戟相摩剗。扶搖燭天虹。三光入混合。指揮行地驤。萬

里迅驂驪。追呼涓怯贖。屈曲蘭逃廉。氣合雜嘲勑。技成

有苦甜。叟私謂我健。唐笑非所嫌。此志忽不愜。聚散誰

能諳。黔之山窈窕。萬里投華簪。作詩冰雪姿。作吏豈不

任。詩歌所銷蓄。一以康黎黔。惜哉剖符遲。鬢髮老已侵。

無乃盛名掩官序多差參徘徊望遠道局促悲離襟天
遣雙鳥鳴飛飛不同林君去我尙留兀傲西山岑我非
但爲叟別白瓦與琰上下數百年孰傑孰翳淫華豔才
苦多枯潔聲苦尖其他有典則神骨未足快逶迤及輕
佻風雅逝駿駿虛靈遭蕩汨濡染變妖祲誰與崛興者
旗鼓鳴以森倘迴狂瀾倒如灑蒼生霖

久不得家書

朝望家書來暮望家書來山川浩浩隔愁懷安可開出
門見行人言從湘水隈約略問鄉井沈思轉成猜悠悠

白雲下。悵望東南天。滄海無停流。骨肉有常圓。徘徊重
徘徊。夜夢何肫然。上堂拜父母。白髮舞蹁跹。下堂呼弟
妹。爛漫供杯筵。父母良我愛。弟妹良我好。里閭姻婭間。
良不我懊惱。

醇醪不言醉。醉後耳忽熱。骨肉不言思。思腸暗中結。憶
昔始朝天。書生腐可憐。父母重念我。一月書一篇。中間
稍疏闊。一歲四三書。今茲太迂滯。一歲兩書無。慘慘游
子顏。寂寂長安居。眠食一以闕。肥瘠將焉如。愁深不可
道。出望門前草。草色何青青。東風吹嫋嫋。我懷鬱不開。

美景爲誰好

鮮鮮躑躅花。得得粟留聲。膝前四兒女。競作嬉春行。焉知我心深。憂愁不可名。瘦妻拭几席。羅列酒與蔬。有酒我不飲。有蔬我不茹。達旦我不寢。繞屋百匝趨。我自離父母。悲歡向誰道。歲月日已深。衣裳日已朽。骨奇行路難。詩富黃金少。至哉我父母。黃金非所禱。

鴻雁厲毛羽。南飛經我鄉。去憑尺書寄。來無尺書將。矯首雲霞外。但見天茫茫。謂當消息到。反致憂思長。憂思能傷人。強顏慰懷抱。豈不折芳菲。外悅迫中悄。名譽風

前花富貴露頭草。人生萬事空。父母一言好。

我有杜陵病肺枯。側不伸。忡忡畏風雨。默默告鬼神。不敢告父母。聞之愁腸繞。及今不告之。我罪非小小。東風兮。東風。丐爾以周旋。吹彼浮邱雲。飛來西山巔。雲亦竟不來。書亦竟不傳。欲報西王母。誰其能上天。飲我以紫丹。授我以元詮。愁根一以拔。盛顏年復年。

皇帝五載冬。阿父來長安。側身稟道教。容止瑟以閒。於何潰其防。文字浪馳騁。才炫遭訕笑。筆縱忘修省。遙遙父母心。倘厭今吾猛。斬我以好音。示我以深警。旣警旣

悔羞淚下如流泉。路遠翅翎短。我懷無由宣。譬彼風中狂顛倒。却復前勞勞。故山夢黯黯。黃沙天。早寄錦字緘。解我憂心煎。

誰謂江海深。不如涕淚多。誰謂長安樂。愁思當奈何。長安多貴游。駿馬橫經過。晨朝銅龍門。夕醉玉山阿。可憐湖湘子。十日九不起。問我何所憂。問我何所喜。昨夜夢娟娟。尺素剖紅鯉。覺後乃微茫。愴恨殊未已。憂喜兩循環。故故回我腸。有懷不可訴。獨坐增徊徨。

贈陳登之

薄海馳聲聞高才。肆交結眼前。珠珎悞悔不可說。相逢長安塵。君倣我不媒。初如峯際雲。離合乍明滅。漸如水中石。照濯雨孤潔。寺花晨招尋。鄰酒夜提挈。吐辭海濤翻。角韻劍鋒折。示我平生作出入。眉山穴清白無渣滓。扶搖散錦纈。不愧名賢後。筆力森嵒嶮。人生有詩詠。支派千萬別。是非生矛盾。高下混泰垤。古意零草莽。達耳憎蜻蛚。願書君之詩。國門朗可揭。而君喜韜藏。蒼鷹貌跛鼈。善詩不言詩。此理誰其徹。

別宗滌樓

天地生人初。孰甘孰苦辛。愚騃坐偃偃。賢豪走踉蹌。十
金寔杜甫。一裘寒蘇秦。伊古飢勞者。豈非不死人。宗侯
鬱奇氣。蹉跌在風塵。我友二三子。爾之風雨鄰。道爾於
我前。宛彼瓊瑤珍。兄之長安郊。豁若宿昔親。氣岸各嶄
嶄。談論方斷斷。苦被生事牽。屢以別緒伸。十口永州野。
一廬冉水濱。嗷嗷望梁稻。渺渺隔晨昏。艱難迫行路。曲
折隨平民。去矣抱所志。君子方賤貧。

三十詠懷

忽忽長安住。行行三十春。及茲對樽酒。歡喜雜悲辛。念

我生之初高曾渺已湮猶及見大父鬚髮老且新衰白

倚孫枝揄揚對衆賓我家資水陽世世勤耕耘匪誇巢

許傲願葆義皇淳東鄰有死人移屍門前津縣官金帛

索里胥枷鎖均吞此碑兀冤怯彼唐突賔猶安井與田

那羨簪與巾逶迤及阿父筆力走其羣響摧霹靂發勢

擬溟渤吞中乃迫生事制科棄如薪屏擋佐大父突兀

倚風塵有田界鄰邑鄰邑狡以振潰圉倒灌之麻麥泥

沙纏是非一鍛弄黑若雲霧然繁勞表盡白迫呼足爲

鵩也百無能傲情職其根熒熒抱古劍蠢蠢隨朝神

艱難念父老。背汗懸河翻。人生有根蒂。默傷遠遊魂。將
相酬恩仇。此徒豪俠人。努力崇明德。余志之所欣。秋草
春風吹。青青鋪若茵。天有再青草。人無還少辰。歟思總
角年。嬉戲不足陳。十五至二十。根柢薄如緡。文章技小
小。不著心與身。斗覺三十迫。數齒則駢臻。生今不古若
對食。腸爲堙。因之四五十。迅若轉睛頻。俄然六七十。敗
若頽雲屯。勉勉汲修綆。昂昂擗勁筠。稍令文行張。庶報
毛裏親。忽憶阿母亡。慘淡愁黃雲。束髮始讀書。琅琅至
夜分。啖我以梨棗。授我典與墳。天寒傍機杼。投於母懷

溫七歲痛失恃百年塊獨存

天章賁於庭死奉非生敦日月有晦朔萱花甯再芬沈
思及身事愧憾夫何云失聲一慟哭涕淚淮湖奔雖有
百斛酒爛醉愁難馴

陶雲汀中丞述職還姑蘇布懷贈別

聖德服回部功成謁

珠邱及關亦已勞公來拜

冕旒

天顏豁有喜嘉禮賢諸侯前席十二召工歌湛露休寵

眷高九牧聲施驚八州北回燕山脚南指吳門頭

聖心猶惓惓往哉難汝留吾鄉富山水冠蓋如雲稠迴

首乾嘉閒老輩皆驂騑滄洲

陳恪勤公

鎮河上束縛洪濤浮

激浦巖

樂園

先生功勒南山幽長沙

劉文恪公

及武陵

趙文恪公

名

位軼卑陬公尤才力闊溟漲滙羣流咳唾走魑魅指揮

動斗牛與公偕行者本末各清修翩翩賀

杯農

與黃

惺溪

古

調碎時謳太阿一出匣光彩森炳彪粵西賢太守

唐鏡海

鏡

近亦渡盧溝觀其道力足茹春而吐秋杞梓上千尋棕

櫚何足收我通金閨籍不及從公游鴻雁江南飛銜書

抵面謀灑灑千萬言馳驟而夷猶公謂我筆力當於古
人求公來虎藁揚公去馬嘶愁有懷未盡陳送別風颺
颺古人崇實濟大川涉長舟今人獵虛譽虛譽乃贅疣
許身稷契閒何以黼嘉猷

送胡鏡塘別駕師

人生困薄宦兀若失林鳥東西迫驅馳貧病紛纏繞
觥我夫子逸氣凌雲表伺候羞公門清白得上考於例
得謁都天日照懷抱翹翹職新任忽忽心如擣念昔綰
章綱志氣如騶裊誰謂湖湘閒作吏長懊惱食蟹苦不

足割雞徒自小。校量縣與州。升沈無醜好。屈曲走蠻江。
浩蕩問蒼昊。焦勞觸沈疴。羸瘦比枯蓼。沈思棄官去。豈
有郭田遶。有如風中蓬。簸揚不可了。鵬也昔及門。吹噓
潤才藻。拔之茅葦中。忝爲廟廊寶。棲幽州城。蚤夜增
綿藐。側聞夫子來。款款勤灑埽。宛轉旬日居。夜談恒至
曉。拂悅出新文。淋浪醉青醪。悲哉北馬驕。去向南天杓。
邯鄲塵汚車。黃河波射裊。行行指洞庭。下有蛟龍爪。前
途慎跋涉。後會阻孤悄。夫子信仁賢。艱辛可以飽。理悟
六爻微。心嗤三窟巧。執手復叮嚀。聚散萍寄沼。努力加

餐飯無使毛髮稿

讀朱南厓太傅蘇嶺題壁詩卷愴然懷之

蘭艾羞同科驥驂本殊號於惟太傅風薦士速響報知

賢銘肺肝樂道忘耄耄小子角弁年聞公自祈禱惜哉

通籍遲墓荒西山隩太傅葬西山之呂村往往撫遺墨沉沉發悲

敷最後吾宗特敦甫宗伯乃以斯冊告自公強仕年載揚伊

車蘇太傅視學浙閩凡先頓轡古寺閒伯也吹埴導太傅

自註壁上有先公乎歛有詩磊落篇三造諷詠自偶然

兄竹君一聯萬古一憑弔厥惟浙閩邦英彥富瑇瑁為公所摛拾以

次登廊廟嗟余亦何爲覽卷增變嫪匪徒以公詩令德
余所好珍禽集豐林高士恥炎竈不見六一翁那禁眉
山悼

海秋詩集卷之六

益陽湯鵬海秋撰

五言古詩

感春十九首

飄飄生遠想。躑躅成悲歌。仰觀峯上雲。俯察江間波。天地有自然。吾道甯蹉跎。習習東風來。起舞將如何。

門前兩好樹。離離杏與李。露裊白纏綿。風吹紅旖旎。依人態有翩。嬉春意無已。哀我縹緲情。天青無徙倚。

人生無根株。不可以逍遙。青青陌上柳。灼灼園中桃。朝

爲穠纖態暮已隨狂飈弱質畏凌兢浮念增迴撓趨盛
語惟妍避衰性遂彫安得金石心百年以爲要

孤桐生巖岡流萍散池沼桐心直不移萍葉亂如埽同
此青青色東風無醜好委蛇從物論庶用刪煩惱

豔豔辛夷花萋萋女蘿草揚揚弄芳蝶得得能言鳥有
鳴桑樹巔一鳴驚人老惜無竹枝弓射死城南道

黃鶯莫爭樹紫鷺莫擇巢汝得及春生義已無秋號不
聞蟲蟬嘶慨彼風霜交蹠蹠抱寒葉啾啾警深宵稟氣
豈不均適時良已超鶯鷺匪吾心哀哉古義彫

鮮鮮禁藥紅鬱鬱瀛洲綠草木雖賤微託根有榮辱燕
菁交牆隅櫻桃垂路曲豈無春風吹栩栩媚幽獨卽趣
咸所忻守已良用足咄咄五陵兒不識余軌躅

長安俠少年被服織以新鬪雞紅塵道走馬綠楊津夜
結蕭朱綺朝千衛霍勲哀哉太元客心骨腐可嘖茱萸
自有芳人生自有親寥寥風雨中千載爲我鄰

賤游無意氣貴游有輝光不見狹斜道金紫何煒煌須
臾銅雀臺鞠爲荊棘場盛極理必衰吾甯守其常

晨行大堤上池塘水微波蒲小不堪展蘭生豈其多采

海秋詩集卷六

二

擷欲遺誰。踟躕將奈何。萬物貴待時。無爲靜者訶。

種藤貴成陰。種李貴成實。悃悃君子心。矯矯歲寒質。哀彼木槿花。徒然媚春日。漂浮性易移。惝怳魂屢失。

勞勞厭事役。默默發訾省。雨驟花難圓。風簸雲不整。工糾各有宜。喧靜隨所領。寡慾謝磷淄。多營耗聰穎。無攬管葛勞。肯學儀秦猛。道力鎮卑微。天機澹馳騁。逍遙人間世。得酒且爲幸。頽然六七酌。長醉不願醒。

束髮希古先。歷世增紛擾。東西迫奔馳。賢愚互顛倒。有如海漂梗。簸蕩不可了。悠悠負初心。耿耿抱私悄。興言

酌春酒。酩酊夜至。曉露團。百合花。風送三嗅。鳥覽物情。
彌道知命。髮鬢槁。時吟陶令詩。忻然不知老。

故鄉春可愛。異鄉春可悲。漫漫花草交。濛濛煙景移。言
脫塵中鞅。返彼林下棲。桑麻藹綠野。萍藻繁清漪。翩翩
鷺。睇梁栩栩蝶。穿籬野人炊。藜藿朝餐夕。不飢惜乎吾。
蹉跎永永無還期。

春陰爲我峭。春花爲我愁。念我同心子。淚下不可收。死
者長眇芒。生者半漂流。芙蓉粲新渚。楊柳迷舊樓。歌板
有餘妍。酒盃難再酬。誰能外人情。棄置不同頭。壯年多。

悲思老醜難豫謀

東鄰一儒士髮白顏猶童請謁非偶然肝膽已先同歲久衣裳破天高文字壅變化固有命愁苦何能終時復飲我酒一醉萬事慵春風爲誰來陶陶樂無窮

流光易乘除寡識足悲謂一燈耿青熒百氏展研校微祿買古書浩歌駕羣笑律躬術不歧體物神惟肖俛仰識事會勸懲合典教惜乎吾道難未見羣言掃青蠅無高飛白日有頽照君子勤來過願以永好樂

下士守一固高情無盡神筆餘屈宋妍事與伊呂羣志

大詞難降名高謗已聞棄置人間論且用存我真
晨折柳枝歸暝倚藤花立方解揚雄朝復傾卞和泣茫
茫何所開磊磊不自戢春風如過鳥閃爍流年急安心
病可蘇率性愁甯集曠蕩天地間永矣師蒙邑

哭女莊昭詩

鬱鬱疲廢飯勞勞趁昏朝矧於兒女間慘此生死遭曰
汝之初生靜好齊蘭若兩姊翼之行衿袖風飄飄秋月
豈不自我心豈不牢汝病墮微茫藥物增傾撓盈盈九
河淚不補中夜焦

梧桐簸斜陽。四散葉如雨。葉落還有根。汝去了無語提。
攜智未深。咿唔憾何許。掩面不見我。其心久延佇。秋風
逼黃雲。吹汝魂魄苦。城尖月梢梢。山荒狐栩栩。慎勿暴
汝骨。聊以畢爲父。

太古有榮枯。我何獨纏綿。屢經憂患窟。不斷涕淚根。出
門復入門。憶汝當我前。一夕陰風飄。吹之落黃泉。浮生
百無著。血重情所偏。強顏勸汝母。須臾已復然。哀哀一
室中。涕泣相周旋。

喜雨

端居想氣數積人多繁憂歲歲火雲舉村村兒女啾但
聞井里空不見禾黍稠年荒議論雜心微涕泗流步出
白西門好雨從東疇菜甲行可摘稻花靡不抽三輔多
稼穡此外吾無求

雲興何山頭雨歸何澗底焉知造化功但見郊原美藹
藹黍稌興離離婦子喜旣懽耕者情亦完仕者理哀哉
醉飽中感召其有以得雨且悲歡觀稼宜終始往問力
田翁一雨甯足矣

送廖春泉孝廉

兀。目。醒。醉。勞。爲。行。藏。天。問。難。可。續。子。材。焉。所。將。蘭。
蕙。雖。滿。畹。葵。薔。競。升。堂。寸。心。有。然。否。行。路。無。低。昂。蒲。柳。
欺。松。桂。鷓。鴒。嘲。鳳。凰。由。來。時。數。爾。無。令。心。肝。傷。勗。子。以。
自。超。長。嘯。歸。巖。岡。

春。風。給。汝。來。秋。風。速。汝。去。蒼。黃。抱。新。悲。婉。轉。得。深。悟。扶。
桑。有。西。頽。滄。海。惟。東。注。塵。封。銅。雀。臺。雨。隕。珊。瑚。樹。富。貴。
人。事。叢。貧。賤。天。機。裕。芒。鞋。踏。雪。霜。釣。竿。挂。烟。霧。悠。然。不。
可。回。此。意。共。誰。語。

朝。刈。溪。田。禾。暮。飲。山。人。酒。父。老。相。去。留。兒。童。諳。授。受。天。

機一以新人事無不有男兒不跌宕年華易衰朽射虎
上山椒騎鹿出松牖渴卧獨流泉飢餐並根藕不落塵
網中老死亦云厚

黃鵠不輕舉赤驥豈長嘶時治理自伸跡賤心匪庠讀
書周孔尊淑世陶唐齊大言余已慙逸志子莫移且耕
山中田以餉蓬頭妻麤糲有至性風雅無鈍機一彈稻
康琴三復陶潛詩詩盛吾所禱詩衰吾所悲努力鏗元
音蛙黷何能擠

梟鷂非族類海潦殊潮波豈不傷我心其誰和我歌念

子相慰勞吐詞無偏頗始信古所得不爲今所訶深愛
結綢繆嘉會惜蹉跎位小游揚寡道衰別離多去去狎
鷗鷺深深尋薜蘿出處理莫齊媿歎夫如何

送郭羽可孝廉

勞生易紛歧結友相悲梗霧重無翔禽風歆有覆甍
璵爲誰妍衣裳自孤迥搖搖澗底蓮慘慘杯中影
眼暗收涕洟心危怯僥倖升沈總何憑賢愚從所秉
梁園訪故知山東競延請濯足淇澳波拂衣徂徠頂
艱難見初心漂泊得真境却笑五陵兒胡爲浪馳騁

山鳥無定木。池魚無定波。子有齊梁行。我爲燕趙歌。念昔攬環珮。聞道相礪磨。中情重山嶽。辯口驅黃河。君子日月見。小人風雨訛。吐辭無黑白。秉性有貞頗。男兒不上達。年志能幾何。君老我方壯。會少別更多。踟躕進清酒。惻愴生沈疴。意重夫何言。恐爲聞者訶。

哭仲姊詩

鳳凰八九雛。生小鳴相偕。卒遇驚飈起。各自東西飛。山川阻且修。魂夢成驚猜。時因雙鯉魚。寫我心中哀。姊其愛玉體。無使秋風來。欲問紫金丹。方進長命杯。烏鵲蘭

蕙姿忽忽今成灰。艱難迫枯槁。焉得不西。顏生別尙踟。躕死別安望哉。

今晨忽不樂。回風吹我襟。桃李有餘妍。骨肉難再尋。姊病吾不知。姊歛吾不臨。荒荒平昔顏。慘慘離別心。安得生羽翼。飛飛還故林。故林不可還。悲思不可任。遙望道旁塚。草荒狐兔深。已矣復何言。長歎不成音。

誰謂骨肉堅。弗若涕淚新。念我仲姊沒。同懷損一人。不見嬌小時。婉婉娛雙親。口吸薺薇露。手翦芙蓉雲。長大各有向。涕淚露衣巾。鬱鬱萬里目。飄飄百年身。常悲不

自保摧爲棘。與薪東風吹。惡耗幻想吁。已真雖有如泥。
酒不能澆苦辛。

悼亡四章

冽冽飛霜清淒淒。明月高帷屏寂無人。孤懷寒屢交重。
理平生言。今成兩地遙。參商匪吾料。同穴以爲要。
生別尙相思。死別誰能奈。牀空蛛網封。室闔瑤琴壞。故
物無久存。深情有餘慨。踟躕復踟躕。天寒日晡暖。
日月盈旋竭。雲霓舒更收。人生有常理。之子又何求。不
憾黃泉遠。但惜青春休。歡娛曾幾時。去去無回頭。

上山休采葛。涉江休采蘭。蘭葛繫人心。苑枯有憂患。天
天閨中好鬱鬱。泉下寒已矣。百年盟長歎。摧肺肝。

最新婦四章

峯巒不厭複。江海不厭深。與君結新婚。黽勉成一心。朝
餐並根粒。暮宿雙絲衾。吾生多蹇艱。歡娛當自今。

君如初春雲。我如仲秋月。春雲靄方興。秋月圓可揭。仰
視空中鳥。大小必雙翼。長采芳蘭榮。不識枯蓬歇。

啾啾乳鵲東。瑟瑟雛鳳飢。亮哉故婦心。薦子以提攜。毛
裏恩不二。筇杖理亦宜。拳拳姊妹花。根荄那得移。

金石本貞堅。絲蘿亦縈抱。南國有佳人。情重貌逾好。羅衣從風揚。錦障壓花小。捲簾夫如何。明月照窈窕。

順天武闈監試作

國家重材武。巖穴紛扳要。彎弓集轅門。跨馬橫金鑣。桓桓意氣驪。趨趨膂力超。飛空挾猿臂。排坐談豹韜。呼毬電影奔。插箭霜聲號。縈回抱巨石。颯沓舞大刀。風曉翠旗寒。日暮金鼓驕。爭先技有勝。入選理無淆。訓旅間周篇。出師溯義爻。亮彼武士心。生當

聖人朝。邊隅今已清。將帥古所高。象垂麟閣赫。石勒燕

然牢熟講孫武術高摧頗牧標慎莫負科目端宜蓄雄
虓武備但從容文治彌宣昭詰朝畢茲役慨然心爲勞

夢游南嶽詩五章

併序

僕苦羈絆久矣新從摧挫之餘大有逍遙之想
猥以前夕夢游南嶽其夢也耶其覺也耶斐然
託興爰紀以詩

富貴夢苦長山川夢苦短天機莽飄飄人事悲纂纂南
瞻壽嶽尊煙霞實輿衍千盤更萬疊虎伏忽獫狝呬
摩列星益葢結靈篆陰陽但一氣今古此關鍵舜禹雖

不逢聖脈餘苔蘚。盡思浩無窮。夜夢微可辨。東風吹我衣。去去足甯蘭。三拜靈峙前。寸心用黽勉。

人生無根蒂。吹墮風與塵。荒哉歌哭事。了此去來因。出山隘世網。入山意已新。石磴聚泉流。竹箭搖古春。藤餘萬歲蒼。楓有千章勻。龍鬚抱婀娜。鴛桃墜繽紛。時來雙白鵬。導我以殷勤。仰捫祝融日。俯蹋嶽麓雲。放懷竟何礙。忘機聊自馴。無爲形役愚。徒作世上人。

李耳訓守雌。疏廣悟知止。持以澹世紛。闢此幽尋軌。幽尋夫如何。捫藤更攀藟。前登莽嶕嶢。後顧縈迢迢。七十

二峯雲盪胸不能已。巨靈翼我行飄然絕依倚。趣奇外
有加。理豁中無滓。逃身入空虛。遑問非與是。念彼蜀道
難。悲歌涕瀾瀾。誰其齎輕糧。載訪赤精子。

菲菲石梅花。一開一千秋。精理苟不昧。今古爲同儔。結
宇緬少文。煨芋規鄴侯。鄴侯尙世情。少文吾所求。青山
自有鶴。白水自有鷗。咄咄蝸角爭。未知所底不。逐僞生
繁勞。抱真獲優游。願得一茅屋。此中其久留。

渴飲五雲漿。飢餐三秀草。山中神仙人。顏色長美好。華
蓋來翩翩。彌明自難老。手捕虎與豹。囚拘挾輕矯。人生

亦何憚毒物非小小飛騰苟未能暫伏安可了拊心發
長嘆側足憫孤造景彼九真人從游憾不早蕩蕩東去
波悠悠西歸鳥惜哉幽夢醒涕泣心如擣

自海淀于役歸取徑游畏吾村五首

繁勞鍊筋骨顛倒事鞅掌今茲稍休暇束帶慙孤往前
行寂無人徑轉得平敞鳥穿林際幽魚散池中廣天機
良在斯人事非所昉誰能戀其他行當荷藤杖

青青楓樹林週以綠蘿灣何必凱風來溽暑亦已闌下
馬揖孤石倚流聽潺湲漁子三兩人語我持其竿巨鱗

不。受。釣。細。鱗。飽。我。餐。卽。此。規。進。止。取。樂。其。未。慳。

赤。驥。馳。康。莊。黃。鶴。棲。密。林。喧。靜。豈。同。科。聊。自。心。吾。心。四。

顧。何。杳。冥。蒼。翠。霑。衣。襟。時。聞。松。檜。下。撞。鐘。出。遠。音。陶。陶。

寺。中。僧。冷。冷。石。上。琴。借。問。楞。嚴。卷。焉。知。梁。甫。吟。

村。村。自。桑。田。家。家。蔭。修。竹。豈。不。近。市。廛。幽。居。有。結。束。道。

逢。長。眉。叟。與。我。敘。款。曲。婚。嫁。尙。古。風。漁。樵。亦。土。俗。時。聞。

車。馬。來。了。不。關。幽。獨。乃。知。塵。埃。紅。弗。若。郊。園。綠。

桃。源。何。茫。茫。谷。口。詎。易。逢。凌。晨。一。披。豁。選。此。物。外。踪。蹇。

衣。向。前。路。出。入。迷。西。東。願。買。竹。間。廬。樹。以。青。梧。桐。梧。桐。

長古雲竹廬長好。風此志儻可償。束縛非我躬。

贈丁燕豐農部二首

西方有一士。藹然賢達姿。心耽子夏儒。筆擅史臣詞。觀
理有醞釀。遇物無嶮崎。鮮鮮芙蓉裳。塵埃未可欺。烏虜
萬塗中。妍媸故難齊。陸生畏猛虎。墨子悲素絲。察察金
石心。君子當知之。飲我以醇醪。佩我以歲華。願言結百
年。古道相追隨。陋哉編與紵。何足當襟期。

黃鵠志萬里。乃在樊籬間。君子何從容。卽署豈所歎。馮
唐古已愁賈誼。今誰憐豹變。固暉暉。螻屈亦閑閑。惜哉。

湖。湘。子。摧。挫。力。爲。殫。風。濤。無。端。倪。神。理。有。研。鑽。相。逢。偃。
蹇。中。相。許。一。何。堅。松。柏。見。本。心。惟。應。知。者。言。

姚石甫兄入都敘舊言懷四首

人。生。無。恒。處。聚。散。如。風。蓬。昔。去。已。飛。鷺。今。來。亦。從。容。別。
久。緒。何。繁。喜。新。語。難。重。負。簪。展。窗。綠。躑。躑。沿。階。紅。童。子。
酌。美。酒。一。飲。累。十。鍾。醉。醒。順。所。適。是。非。澹。在。空。白。壁。豈。
爲。拙。青。蠅。豈。爲。工。進。修。遭。怠。忌。歛。退。成。盲。聾。拳。拳。君。子。
志。與。我。爲。雲。龍。氣。類。自。古。然。誰。謂。途。將。窮。

天。高。鳴。鳳。凰。塗。長。騁。驥。駉。匪。侈。君。子。才。恥。與。時。人。目。物。

駿見瘡。瘡才輒森牙。燾余固咽悲。梗子亦腸詰。曲作吏
二十年。計實名乃郁。賢勞政有加。遲暮髮半禿。亮茲朝
天佩。大展蟠雲躅。上以葆中和。下以洗酖毒。

高飛限霄漢。卑走塞藩籬。惴惴柏臺愆。悠悠郎署棲。束
帶營簿領。退食舉書帷。動隨夔龍後。靜與周孔期。白雲
入我牖。黃鳥向我啼。時物有忻賞。文章無渴飢。不見楊
柳花。旋爲溝瀆泥。丈夫重本根。名浮何用奇。

芙蓉泣秋風。杞梓登國寶。顯晦物莫齊。賢愚理自考。名
慙賈誼才。骨絨陸贄葉。願爲雙驂駟。與子同躋躋。渴飲

瑶池波飢食玉山草。擔持千鈞任蹴蹋。萬里道守已。豈
所耽。濟世苦不早。日長飲醇酒。心遠倚蒼昊。贈贈吾無
能。綢繆子爲好。努力圖麒麟。吹陽潤枯槁。

酬贈喬健侯水部

金玉匪異狀。蘭菊咸古香。拳拳叩我門。藹藹牽君裳。上
探羲軒源。下闕周孔堂。年少文已富。心虛貌惟藏。嘉此
造道器。傾慕無時忘。清當飲沆瀣。濁當埽秕糠。斯文在
百年。努力未渠央。

天澄月自見。才淑命攸宜。何必蓬萊游。姑此郎署棲。柄

喪胥吏。瘁條紛。案牘歧。非乘剛。柔性未易戒。厥欺譬彼
鷦鷯。巢或爲鴟。梟移蹉跎。效忠悃。昂子以不疑。

局局懷前愆。陶陶適今好。諫諍匪吾能。誦讀觀道要。西
窗有好風。一倚一長嘯。但貪夏日娛。不畏秋霜弔。感子
意纏綿。新詩揭古調。上言升與沈。下言夢與覺。

籠鶴寡所聞。桺兒豈其吼。不憾吾道窮。但願吾詩厚。藻
綺名易刊。風雅義貴剖。青蠅問白黑。此意誰授受。寥寥
空字中。俯仰亦已久。滄溟無盡頭。黃潦安足守。子兮勤
來過。酒酣月在牖。

有酒不獨斟。有詩不獨吟。汨汨文章淚。惘惘朋友心。韓
愈張道懺。蘇軾崇志林。豈惟籍湜駭。坐使秦黃欽。道高
匪可孤。氣合甯知深。雕章聊用報。古歡繼自今。